
BARCHA MAHALLALARDA RADIOUZELLAR ISHLAMOQDA

Bugungi kunda koronavirus infeksiyasining tarqalishini oldini olish, fuqarolarning karantin qoidalariga rioya qilishida mahalla fuqarolar yig'inlarining zimmasidagi mas'uliyat yanada katta.

SHu boisdan koronavirus infeksiyasi tarqalishining oldini olish bo'yicha targ'ibot ishlarini kuchaytirish, aholini muhim yangiliklardan xabardor qilish maqsadida Uchko'prik tumanining barcha mahalla fuqarolar yig'inlarida radiouzellar tashkil etildi.

Bugungi kunda mazkur radiouzellarda mahalla xodimlari aholini shaxsiy gigiena va sanitariya qoidalariga amal qilish, sarosima yoki vahima kayfiyatiga berilmaslik, zaruratsiz ko'chaga chiqmaslik borasida ogohlantirib, karantin davrida qilinishi lozim bo'lgan muhim vazifalarni fuqarolarga etkazmoqdalar.

Bunday samarali targ'ibot usullari va profilaktik tadbirlar hududlarda o'z amaliy natijalarini bermoqda.

Qadrli tumandoshlar, imkon qadar uyda qoling, ortiqcha ehtiyoj bo'lmasa ko'chaga chiqmang! Karantin qoidalariga qat'iy amal qiling!

2020-04-01 17:17:12